



**European
co-operation for
Accreditation**

Sporazum o međusobnom prihvatanju izvještaja o kalibraciji, ispitivanju i inspekciji između potpisnika Multilateralnog sporazuma EA i Instituta za akreditovanje Bosne i Hercegovine

Preambula

Evropska organizacija za saradnju u području akreditovanja, u daljem tekstu **EA**, predstavlja saradnju državno priznatih akreditacionih tijela u Evropi. Sva ova tijela zajedno sa svojim akreditovanim tijelima i njihovim aktivnostima predstavljaju državno priznatu šemu akreditovanja tijela za ocjenjivanje usklađenosti.

Zvanično priznata šema akreditovanja kalibracionih i ispitnih laboratorija i inspeksijskih tijela u Bosni i Hercegovini uključuje **Institut za akreditovanje Bosne i Hercegovine**, u daljem tekstu **BATA**, njegove akreditovane kalibracione i ispitne laboratorije i inspeksijska tijela te njihove aktivnosti.

Na osnovu programa kontinuirane saradnje, više akreditacionih tijela koja su punopravni članovi EA su, u ime sistema akreditovanja u području kalibracije, ispitivanja i inspekcije za koji su odgovorni, sklopili multilateralni sporazum o međusobnom prihvatanju certifikata i izvještaja izdatih od strane akreditovanih laboratorija i inspeksijskih tijela na osnovu međusobnog priznavanja tehničke ekvivalentnosti funkcionisanja njihove šeme akreditovanja u području kalibracije, ispitivanja i inspekcije. Ova tijela koja su članovi EA će se u daljem tekstu nazivati Potpisnici EA.

Osnovni elementi programa za uspostavljanje međusobnog povjerenja između BATA –e i Potpisnika EA su:

- Razmjena informacija o razvoju i funkcionisanju EA i državno priznatih šema akreditovanja akreditacionih tijela koja su njeni članovi između akreditacionih tijela članica s jedne strane i BATA-e s druge strane;
- Učešće na sastancima Generalne skupštine EA;
- Učešće na sastancima tehničkih komiteta EA i radnih grupa na kojima se diskutuje o problemima vezanim za kalibraciju, ispitivanje i inspekciju u različitim područjima;
- Međusobno ponovno ocjenjivanje u intervalima od četiri godine;
- Informisanje BATA-e o rezultatima ocjenjivanja i ponovnog ocjenjivanja akreditacionih tijela članica EA izvršenih u okviru Multilateralnog sporazuma EA.

Potpisnici EA u području kalibracije, ispitivanja i inspekcije, koje predstavlja predsjednik Vijeća EA za multilateralne sporazume,

i

BATA, koju predstavlja direktor,

potpisuju sljedeći Sporazum.

Sporazum

- 1 Potpisnici EA u području kalibracije, ispitivanja i inspekcije i BATA će
 - (i) Priznavati funkcionisanje svojih državno priznatih šema akreditovanja, koje ispunjavaju zahtjeve odgovarajućih standarda iz serije ISO/IEC 17000 i dokumenata EA koji se odnose na te standarde, kao ekvivalentno;
 - (ii) Kao jednake prihvatiti izvještaje i certifikate koje izdaju njihova akreditovana certifikaciona tijela;
 - (iii) Promovisati prihvatanje izvještaja i certifikata koje izdaju njihova akreditovana tijela za certifikaciju od strane svih korisnika u svojim zemljama;
 - (iv) Ispitati sve prigovore koji se odnose na izvještaje i certifikate koje su izdala njihova akreditovana tijela za certifikaciju;
 - (v) Obavještavati jedni druge, što je prije moguće, o značajnim izmjenama do kojih je došlo ili će doći u statusu i/ili načinu rada njihovih akreditacionih tijela i sistema.
- 2 Proširenje Multilateralnog sporazuma EA na druge državno priznate šeme akreditovanja ili povlačenje Potpisnika EA ne mijenja uslove ovog Sporazuma.
- 3 Zaključivanje drugih sporazuma između EA i državno priznatih šema akreditovanja koje ne učestvuju u EA, ili između EA i drugih regionalnih udruženja šema akreditovanja, ne mijenja uslove ovog Sporazuma. Ti sporazumi takođe ne podrazumijevaju nikakve odgovornosti BATA-e niti priznavanje od strane BATA-e certifikata koje izdaju akreditovana tijela povezana sa stranom sa kojom je takav sporazum sklopljen ili ekvivalentnosti rada BATA-e i državnih šema akreditovanja koje su potpisnici takvog sporazuma.
- 4 Ovaj sporazum će biti ništavan ukoliko se status BATA-e kao punopravnog člana otkaže.
- 5 Ovaj sporazum se može mijenjati u pismenoj formi bilo kada na osnovu dogovora između Potpisnika.
- 6 U slučaju spora predmet se upućuje Generalnoj skupštini EA na odlučivanje.
- 7 Ovaj sporazum stupa na snagu odmah nakon potpisivanja od strane predstavnika Vijeća EA za multilateralne sporazume i BATA-e.

21.11.2012.

U ime Počasnika EA MLA
kalibracija – ispitivanje - inspekcija

Thomas FACKLAM
predsjednik Vijeća MLA
/potpis/

21.11.2012.

U ime BATA-e

Zarko PETROVIC
direktor
/potpis/